



JABATAN PERKHIDMATAN VETERINAR MALAYSIA

LAPORAN LIPUTAN MEDIA

RABU, 23 NOVEMBER 2022	
1.	Pengguna mengeluh telur ayam tak cukup
2.	Krisis telur, peniaga makin tertekan
3.	Penduduk bimbang ancaman Pak Belang

DISEDIAKAN OLEH:

**UNIT KOMUNIKASI KORPORAT
JABATAN PERKHIDMATAN VETERINAR MALAYSIA**

TARIKH	MEDIA	RUANGAN	MUKA SURAT
23.11.2022	BERITA HARIAN	NASIONAL	19

Pengguna mengeluh telur ayam tak cukup

Peniaga dakwa penghantaran berkurangan sejak dua bulan lalu

Oleh Ainal Marhaton Abd Ghani
bhnews@bh.com.my

Kuantan: Kesukaran mendapatkan bekalan telur ayam di pasar raya dan kedai runcit sekitar bandar ini sejak dua bulan lalu, terus meresahkan pengguna.

Mereka mengeluh bekalan telur ayam selalu kehabisan kerana peniaga mendakwa bekalan yang dihantar tidak mencukupi.

Tinjauan di beberapa premis perniagaan mendapati bekalan


telur ayam semakin berkurangan, malah ada kedai yang terputus langsung bekalan.

Peniaga kuih, Wan Zurina Wan Ali, 39, berkata sudah hampir dua bulan dia berdepan kesukaran mendapatkan bekalan telur ayam.

"Kebiasaannya saya membeli telur di pasar raya kerana harganya lebih rendah berbanding kedai runcit, tetapi sekarang saya 'kejar' mana yang ada sahaja.

"Harga masih macam biasa, tetapi sekarang susah nak dapat bekalan dan saya selalu gunakan telur gred A untuk memenuhi tempahan kuih sekaya telur, serimuka, kulh bakar dan kek.

"Saya berharap pihak tertentu mengambil tindakan sewajarnya supaya bekalan telur ayam kembali pulih," katanya ketika ditemui di sini, hari ini.



Bekalan telur ayam hubis di pasar raya dan kedai runcit sekitar Kuantan.

(Foto Ainal Marhaton Abd Ghani/BH)

Cari di pasar raya

Peniaga nasi lemak, Siti Nur Alawiah Termizi, 31, berkata dia terpaksa mencari di beberapa pasar raya untuk mendapatkan bekalan telur ayam bagi memenuhi tempahan nasi lemak dan kulh-muih.

"Keadaan semakin mendesak kerana pasar raya badkan dua sarang setiap pelanggan dan ada ketika saya terpaksa beli yang 10 biji sebekas.

"Selain telur, harga santan segar juga semakin mahal iaitu RM17 sekilogram (kg) untuk santan pekat berbanding RM14 sebelum ini dan RM7 (RM6) untuk

santan biasa," katanya yang menetap di Taman Balok Sejahtera.

Suri rumah, Norhazlina Abdullah, 43, berkata dia berdepan kesukaran mendapatkan bekalan telur sejak dua bulan lalu.

"Harga telur di pasar raya lebih murah tetapi susah nak dapat dan pembeliannya terhad. Di kedai runcit, harganya lebih mahal.

"Buat masa ini, memang susah nak dapatkan bekalan. Kalau ke pasar raya, jika sebelah pagi masih ada, tetapi menjelang petang, rak telur sudah kosong, terpaksa membeli di kedai runcit," katanya yang menetap di Cengal Lemping, di sini.

“Kebiasaannya saya membeli telur di pasar raya kerana harganya lebih rendah berbanding kedai runcit, tetapi sekarang saya 'kejar' mana yang ada sahaja”

Wan Zurina
Wan Ali,
Peniaga kuih



TARIKH	MEDIA	RUANGAN	MUKA SURAT
23.11.2022	KOSMO	NEGARA	16



ISU kekurangan telur ayam semakin meruncing selepas peniaga kecil makanan makin sukar untuk mendapat bekalan bahan itu di George Town semalam. – GAMBAR HIASAN

Krisis telur, peniaga makin tertekan

Oleh NOOR HASLIZA NUS

GEORGE TOWN – Rata-rata peniaga kecil makanan termasuk penjaja tepi jalan di negeri ini semakin terdesak untuk mendapatkan bekalan telur ayam, selain terpaksa berdepan kenaikan mendadak bagi kesemua gred barangan asas itu.

Keadaan itu dikatakan berlaku sejak awal bulan ini dan menjadi semakin 'tenat' akhir-akhir ini.

Seorang peniaga gerai makanan tepi jalan, Mohd. Zahir Abd. Manan berkata, dia buntu memikirkan bekalan telur yang semakin berkurangan di pasaran, selain membelinya pada harga tinggi.

Katanya, masalah itu semakin berlarutan sehingga ke minggu ini apabila syarikat pemborong

mula menghadkan hanya sepapan telur iaitu 30 biji untuk setiap keluarga.

"Ini (had jumlah telur) juga kepada peniaga-peniaga kecil seperti kami. Hari ini (semalam) 'jenuh' cari bekalan telur untuk jualan nasi lemak di kedai.

"Rak telur di kedai pemborong dilihat kosong, manakala di pasar awam pula hanya ada kira-kira tujuh papan sahaja.

"Itupun gred D, manakala bagi gred A dan B pula memang tak nampak dipamerkan di atas meja," katanya ketika ditemui di sini semalam.

Ujarnya, kenaikan harga bekalan protein termurah itu juga menyebabkan golongan peniaga kini terus tersepit untuk mendapatkan bekalan meskipun dipasarkan RM20 sepapan.

"Harga telur ayam bagi gred C kini dijual sehingga RM17 sepapan, berbanding sebelum ini hanya RM12.90. Kami terpaksa beli, jika tiada telur tak lengkaplah hidangan nasi lemak," ujarnya.

Seorang lagi peniaga nasi lemak di Teluk Kumbar, dekat sini Norita Ismail, 55, pula memberitahu, dia tiada pilihan dan terpaksa memilih telur ayam omega yang kini dibeli pada harga RM17 di kedai runcit.

"Kami tiada pilihan dan terpaksa beli telur mahal. Jika tidak, nasi lemak dijual tanpa telur.

"Bayangkan, untuk telur ayam gred B, harganya kini dijual RM14.70 hingga RM19 sepapan. Harganya (telur gred B) kini sudah menyamai harga telur ayam kampung, RM19 sepapan," katanya.

TARIKH	MEDIA	RUANGAN	MUKA SURAT
23.11.2022	KOSMO	NEGARA	17



KEADAAN bangkai seekor lembu ditemui penduduk di ladang kelapa sawit di Felda Bukit Tongkat, Kluang pada 19 November lalu.

Bangkai lembu ditemui dengan kesan gigitan

Penduduk bimbang ancaman Pak Belang

Oleh **ADNAN IBRAHIM**

KLUANG – Penduduk yang mendiami kawasan ladang kelapa sawit di Blok Enam Felda Bukit Tongkat di sini kini hidup dalam ketakutan ekoran kehadiran seekor harimau di kawasan tanah rancangan itu sejak Sabtu lalu.

Kehadiran binatang buas itu mula dikesan pada 19 November lalu selepas seorang penternak lembu mendapati seekor haiwan ternakannya telah mati.

Seorang peneroka, Mohamad Omar, 31, berkata, penternak berkenaan membuat laporan kira-kira pukul 7 petang dan hasil siasatan mendapati bangkai lembu berkenaan ditemui dengan kesan gigitan binatang buas dipercayai harimau.

“Seekor lagi yang dilaporkan



Kesan tapak kaki juga menambah keyakinan bahawa pemangsa adalah seekor harimau, namun sehingga kini penduduk masih gagal melihat kelibat binatang tersebut.”

hilang gagal ditemui dan berkeungkinan sudah dibawa lari ke dalam hutan.

“Susulan itu, satu laporan kepada Jabatan Perlindungan Hidupan Liar dan Taman Negara (Perhilitan) Johor dilakukan untuk tindakan lanjut,” katanya ketika dihubungi *Kosmo!* semalam.

Menurutnya lagi, harimau

berkenaan dipercayai telah memasuki ladang itu selama dua malam berturut-turut iaitu pada 19 dan 20 November berdasarkan kedudukan bangkai anak lembu yang ditemui.

Ujarnya, kesan tapak kaki juga menambah keyakinan bahawa pemangsa adalah seekor harimau, namun sehingga kini penduduk masih gagal melihat kelibat binatang tersebut.

“Jika mengikut kata orang tua, seekor lagi anak lembu yang tidak dimakan itu mungkin menjadi ‘mangsa’ kepada anak-anak harimau.

“Susulan kejadian ini, semua pekerja ladang diingatkan agar berhati-hati kerana kebiasaannya, binatang buas itu akan datang semua ke ladang berkenaan untuk mencari makanan,” katanya.